

tulare et Orationale per annum pro Chori officio, Preces ad singulas Horas, Litaniae OO. SS. prolixus Ordo ad uisitandum siue unguendum infirmum oleo sancto, cum Precibus in exitu Animae. Hic porro hiat Codex, atque ex abrupto Lectiones quaedam et Evangelia notulis musicis instructa succedunt, et deinceps Commemorationes variorum Sanctorum, praecipue Hungariae Indigetum, quas etiam habes in Breviario Strigoniensi mandato Matbiae Regis a Michaele Ep. Milkoviensi in Ecclesia Strigoniensi in Pontificalibus Vicario ad imprimendum tradito circumspetto Theobaldo feger de kirchem librario a. 1484. f. absque loci mentione, ut in Monito praevio dicitur. Theobaldum hunc alias Bibliopolam tantum Budensem novimus, unde hanc Editionem alicubi in Germania, et fortasse Norimbergae curaverit. Etiam huic Editioni Obitus quidam praemissi sunt, et quidem nomen supra adducti Nicolai de Themaswar folis literis DD. exprimitur; mors vero Johannis Archiep. non ad 8. sed ad 9. diem Augusti ponitur. Exemplum hujus Breviarii Bibliotheca Palat. conditum servat.

DCCCLXXI.

R. 29 Codex membraneus lat. Sec. XIV. Folior. nunc 380. f. per duas columnas luculente exaratus, rubricisque distinctus, sed injuria temporum inclementer habitus sacrum Chori Officium siue Brevia-

rium exhibet, quod rursus ad Ecclesiam Metrop. Strigoniensem refero cum ob Divos Hungariae indigetes in praevio Calendario miniatos, tum ob duplicem notam eidem manu Sec. XV. adjectam. Legitur nempe ad diem 1. Febr. Obitus Revmi in christo patris et domini, domini dyonisi de zecz Cardinal. legati et Archiep. Strig. Anno domini M^o CCCC^o LX^{mo} quinto. et ad diem 20. Hic obiit dominus demetrius Cardinalis Strigiens. Anno do M. CCC^o LXXX^o. VII^{mo}. Id, quod dirimit dubia a Nic. Schmittb in Archiepp. Strigon. P. I. p. 210. relicta, confirmatque adfertum amicissimi Prayi Hierarch. Hung. P. I. p. 171. Sedem Strigon. a. 1387. vacasse Dominica Ramispalmarum. Ad diem 8. Aug. etiam in hoc exemplo notatur Adventus sanguinis christi, non tamen minio. Ceterum nihil habet singulare, nisi quod praemissa fit Institutio chronologica de ordinando tempore ecclesiastico, quod in pluribus ejusmodi Codicibus liturgicis observatum videmus.

DCCCLXXII.

Codex membraneus lat. Sec. R. 334² XIV. Folior. 351. 8. min. per duas columnas crassiuscule, et densius exaratus, coloribus illustratus usque satis tritus Breviarium est ad ritum ordinis S. Benedicti, quod nihil peculiare praefert, nisi quod inspectis Festis, et Sanctorum, qui fol. 67. p. 2. in Litanis invocantur, nominibus, Adalberti, Stanislai, Viti, Wenceslai, Sigismundi,

di, *Procopii, Ludmilae, Elisabeth, Hedwigis*, mox arbitratus sum ad *Bobemiam* pertinere. Rem evictam dedit, quod e *fol.* postremo cum fide huc transfero. Obiit dominus *Hroznata abbas* anno Domini *M° CCC° XL° VIII° VIII Kal. Marcij* Item obiit dominus *Neplach abbas* anno Domini *M° CCC° LXXI° XVI Kal. Oobris.* Item obiit Dominus *Johannes dictus orlik* anno Domini *M° CCC° LXXXIX° XVII Kal. Aprilis.* Item obiit Dominus *Petrus dictus Laczur solemnus abbas* anno Domini *M° CCC° XV° XVII Kal. Januarij.* Cuinam vero Coenobio hos Viros praefuisse dicēs? *Opatovicensi* in Provincia *Reginaebradecena* a *Wratislao I.* sub exitum *Sec. XI.* fundato, et ab *Huffitis* a. 1420. everso. Huc me deduxit ipse *Neplacho* ope *Chronici* sui *Bohemiae*, quod nobis *Hier. Pezsius T. II. Scriptt. Rer. Austr. col. 1005.* dedit. Ait in eo, se anno 1332. susceptum ad ordinem *per Hroznatam praedecefforem* suum; annum vero electionis suae non exprimit. Hic igitur e *Codice* nostro conficitur. Ita et annus ejus postremus, de quo *Pezsius* in *Observat. praeviis* subdubitan, qui tamen successorem ejus *Johannem* recte adsignavit. An is ex superstitite adhuc *Orlikiorum* stirpe fuit? De *Petro Laczur* tradit *Hagecius* cum aliis, dire tortum a *Johanne Miesteky* post 9. hebdomadas interiisse. Thefauros nempe *Monasterii*, de quibus mira ferebantur, prodere nolebat, cujusmodi The-

fauri non illo solum *Seculo* somniati fuere.

DCCCLXXIII.

Codex membraneus lat. Sec. ^{R. 3343} XV. Folior. 406. 8. nitide scriptus, et multo minio distinctus aliud ejusdem Ordinis *Breviarium* est praecedente *Calendario* adminiculis omnibus chronologicis ab a. 1477. ad a. 1496. instructo, in quo ad 15. *Jan.* notatur *Conradus Abbas*, videlicet *Lunaelacensis* hac die, teste *Chronico Lunael.* p. 123. anno 1145. trucidatus, et ad diem 18. *Vdilo* fundator hujus Coenobii *Dux Bojariae.* *Mensis Maji* die 8. pro *Apparitione* legitur *Victoria S. Michaelis*, et *Decembr.* die 11. *Tassilo* fundator huius ecclesie, eo nempe sensu, quod *Utilonis* patris donationes *Lunaelacensibus* confirmavit et auxit. *Calendarium* excipiunt aliae *Computus ecclesiastici Tabellae*, item *Tabula signorum Lune*, et *Directio* ad *Venam* aperiendam secundum XII. *Signa*, cui tamen sapienter additum: *Indigentibus nulla lex posita est, et ideo talibus nec signum nec hore expectande sunt.* In ipso *Chori Officio* nihil peculiare, nisi fortasse *fol. 394. p. 2.* *Ritus lotionis pedum* inscriptus *De mandato pauperum in die Cene*, et *De mandato fratrum in die Cene.* *Pauperum pedes* solus *Abbas* et *Prior* lavabant aquam adfundentibus *Cellario* et *Vestiaro*; *Fratrum* vero, qui *induti floccis sed exuti caligis* conveniebant,